

# Peringatan yang Nyata dan Tepat Daripada Firman Tuhan

*Kiyai Hasbi ash-Shiddieqy seorang ulama Indonesia yang kenamaan di dalam kitabnya al-Islām terbitan tahun 1950 pada muka 597 fasil 348 ada menjelaskan suatu ayat yang kita fikirkan sangat mustahak menjadi panduan kepada umat Islam di Tanah Melayu khususnya di dalam keadaan masa sekarang, sekiranya kita mengaku bahwasanya kita beragama Islam dan kerajaan kita agama rasminya agama Islam. Menungkanlah sampai menjadi kesedaran di dalam penyederhan suatu ayat al-Qur'ān yang dijelaskan beliau dengan ringkas dan tepat.*

Ayat itu berbunyi;

**“Lā yattakhidhi al-mu'minūna al-kāfirīna awliyā'a min dūni al-mu'minīna wa man yaf'al dhālikā fa laysa mina Allāhi fi shay'in illā an tattaqū minhum tuqātan wayuhadhdhirukunu. Allāhu nafsahū wa ilā Allāhi al-maṣīr” (Āli 'Imrān 28)**

Maksudnya: “Janganlah orang Mukmin mengambil orang kafir sebagai penolong-penolongnya (wali) selain dari orang Mukmin. Dan barangsiapa berbuat demikian maka tidaklah ia (mendapat penjagaan) dari Allah di sesuatu (apa pun); tetapi hendaklah kamu menjaga “diri” dari mereka (dengan ) satu penjagaan (yang betul) dan Allah ancam kamu (dengan seksaan dari) dirinya; dan kepada Allahlah tempat datang (kamu).”

Apabila kita tinggal berdiam diri di dalam negeri yang dikuasai orang kafir; atau senegeri dengan mereka, maka tidaklah sekali-kali dibolehkan kepada kita untuk menyertai mereka di dalam tiap-tiap gerakan mereka terhadap orang-orang Islam, yakni gerakan yang merugikan orang-orang Islam. Kerana larangan menyertai dan memberi bantuan orang-orang kafir terhadap orang-orang Islam, adalah sesuatu hal yang tetap di dalam segi keadaan, terkecuali dalam keadaan yang kita takuti untuk memelihara diri daripada keganasan orang kafir itu sahaja, maka ketika itu sekadar menghasilkan keselamatan diri diharuskan, mengikut kaedah: “Menolak kerosakan didahului menarik kemaslahatan.”

Dengan ayat ini, sungguh nyatalah Allah Subhānahu wa Ta‘ālā, menegah kita menyertai atau memberi bantuan kepada orang-orang kafir terhadap orang-orang Mukmin. Hanya sekadar buat memelihara diberilah sahaja, yang dibolehkan memberi bantuan itu.

Maka apabila bolehnya memberi bantuan kepada orang-orang kafir untuk menolak kemelaratannya, tentulah memberi bantuan kepada mereka untuk kemanfaatan dan kegemilangan orang-orang Mukmin, lebih sangat dibolehkan lagi.

Dengan alasan ini, dibolehkan “pemerintah-pemerintah Islam” membuat janji-janji perdamaian dengan negara-negara yang bukan Islam,

untuk menghasilkan keuntungan bagi kaum Muslimin, atau menolak kemelaratannya dan keruntuhan kaum Muslimin itu. Dan tidak boleh sekali-kali pemerintah Islam memberi bantuan atau menyertai angkatan-angkatan perang kafir pada sesuatu keadaan dan usaha yang membawa melarap atau kerugian kepada orang-orang Islam, walaupun orang-orang Islam itu, bukan rakyat negaranya.

Oleh kerana orang Islam hanya boleh memberi bantuan kepada orang kafir cuma untuk sekadar menghasilkan keselamatan diri, diwajibkanlah orang Islam berhijrah dari negeri-orang yang ditakuti mendapat kesusahan dan ancaman bila dilahirkan agama padanya. Akan tetapi tanda beriman yang sempurna, ialah: tidak takut kepada kesusahan dan ancaman, dan tidak takut kepada terderita malapetaka kerana Allah: kerana melahirkan agamanya, sebagaimana yang dipraktikkan oleh Nabi, sahabat-sahabat dan pahlawan-pahlawannya

Adapun bermudarah dengan orang-orang kafir yakni bertenggang-menenggang, pada sesuatu yang tidak merosakkan sesuatu hak, atau tidak mewujudkan sesuatu kebatilan, maka dipandang suatu kemaslahatan budi yang disukai dan dihajati oleh adab pergaulan, asal sahaja tidak sampai ke darjah nifak.

Semua orang tentu mengerti bahawa melembutkan pembicaraan dan tersenyum, adalah dari kesopanan dalam persidangan: si kaya diberikan kepada sekalian orang-orang sepersidangan. Hal ini tidak dipandang nifak, atau mengambil muka, dan tidak menjalani perintah Allah yang menyuruh kita berlaku kasar terhadap orang-orang kafir.

Kata Nabi (S.A.W): “Bahwasanya kami tersenyum di muka-muka orang-orang kafir dan bahwasanya hati-hati kami mengutuk mereka.”

“Wahai ‘Ā’ishah, bahwasanya dari sejhat-sejhat manusia, ialah orang yang ditinggalkan manusia, untuk memelihara diri mereka dari kekerasan dan keburukan lidahnya.” (Hadith riwayat Bukhārī).